

A painting of a young shepherd with dark hair and a beard, wearing a yellow tunic and brown trousers. He holds a wooden staff in his right hand and reaches out with his left hand towards a small white lamb. The background shows a green hillside with rocks and a blue sky.

SANFE DEMELI

Sebennikela Watson Goodman

Nin Səben bə di
gwansan, a te feere.

SANFE DƏMƏLI

“Sanfe Dəməli” səbənna ka kə səbən fitinin ye walasa məgə mana taa yərə o yərə, a bə se ka a ta a yərə kun. Koo kelen səbənna səbən fura o fura sanfe. O kəç, Ala ka kuma yərə dəw səbənna ka bən ni o koo kelen ye. O cogo la, Ala ka kuma bə a yərə gwəya.

Tlennenya minnəgə ani tlennenya kəngə bə məgə min na, o na dəməli sərə ka bə Ala ka kuma la, o min bə bə sanfe. Ni məgə bə nimisi ka a ka jurumu bila, o kəç ka la Kisiba Yesu Krisita la ni a dusukun bee ye, Matigi na i yərə yira a la ka a yərə ka nyagari ani here don a dusu la. O kisili ni nyagari ni here sera ne yərə dusu ma 1937 la. Ka bə o doon na fo ka se bi ma, jennyəgənya ma tige ne ni ne Matigi cə. O kəsən, ne bə i dali sisən ko ni i ma i yərə di Matigi Yesu ma fələ, i ka o kə bi. Ala ka duba i ye. —Watson Goodman (1920-2002)

Yirali 1:5

Ani Yesu Krisita, seere tlennen,
suw la fɔlɔ bangilen, ani dugukolo
kan masakew ka masake, neema ni
dusu suma ka di aw ma ka
bɔ olu la.

Romekaw 5:8, 9

Nga Ala ye an kanu cogo minna,
a ye o yira nin koo de la, ka an
jurumutɔ to, Krisita sara an ye,
janko jo dilen kɔɔ an ma Yesu jɔli
kɔɔn, an na kisi Ala ka dimiya
ma Yesu barika la.

Yuhana 13:1

Sanni Temenkan seli ka se,
Yesu y'a lɔn ko a ka waati sera ka
bɔ nin dien na ka taa a Faa ma.

Ayiwa, a yere ka mɔgɔ minw be
dien na, a tun ye u kanu, a ye u
kanu fana fo a laban.

Zeremi 31:3

Ka Zehofa to yɔrɔ jan na, a y'i
yira ne la, a ko: Ne ye i kanu ni
kanuya banbali ye, o de kɔɔn ne
ye ne ka nyumanya to i fe.

Yuhana 15:13

Kanuya te mɔgɔ si fe ka temen
nin kan, ka a nii di a teriw kɔɔn.

Yuhana 3:16

Ala ye dien kanu haali, fo a ye a
Denke kelenpe di, walasa mɔgɔ o
mɔgɔ lara a la, o kana halaki, nga
o ka nyanamanya banbali sɔrɔ.

1 Timote 3:16

Ala nyaa siran gundo kabon haali, sɔɔli te o la. Ala farikoloman y'i yira, jo dira a ma Nii Senu fe, a yera melekew fe, a koo waajuli kera siyaw ceman, danaya kera a la dien na, a kɔrɔtara ka taa nɔɔcɔ la.

Yuhana 14:9, 10a

Yesu y'a fɔ a ye: Bi ma ne ni aw bila nyɔgɔn fe, i ma ne lɔn wa, Filipe? Min nyaa lara ne kan, o nyaa lara ne Faa kan. I dun b'a fɔ cogo di, ko ne ka ne Faa yira aw la? I ma la a la ko ne be ne Faa la, ko ne Faa be ne la wa?

Matiyu 1:22, 23

O koo bee kera ten walasa Matigi ka kuma min fɔra kira dɔ fe, o ka dafa, ko: A fle, npogotigi na kɔnɔ taa, ka denke sɔrɔ, u na a tɔgɔ la Emanuwel, o kɔrɔ, Ala be an ceman.

Yuhana 1:1, 14

Fɔlɔfɔlɔ, Kuma tun be, o Kuma tun be Ala daa fe, o Kuma tun ye Ala de ye... O Kuma kera farisogo ye, ka sigi an ceman. An ye a nɔɔcɔ laje, o nɔɔcɔ be iko Denke kelenpe taa min bɔra Faa Ala la. A falen be neema ni tinye la.

Luka 1:35

Meleke y'a jaabi, ko: Nii Senu
bε na i kan, Kɔrɔtalenba ka seba-
ya na biri i kan. O de y'a to fana,
deen senuman min bεna bangi i fe,
o na wele Ala Denke.

Matiyu 17:5

Ka a to o kuma la, sankaba yee-
len bølen birila u kuun na, kuma
kan dɔ børa sankaba la, a ko: Nin
ye ne Denke kanulen de ye. A koo
kadi ne ye haali. Aye a lamən.

Yuhana 1:33, 34

Ne kɔni tun ma a lɔn, nga min
ye ne cii ko ne ka batiseli ke jii la,
o de y'a fɔ ne ye, ko ne mana Nii
Senu jigintɔ ye ka sigi min kuun

na, o de bε batiseli ke Nii Senu la.
Ne y'a ye ka seereya ke ko nin
de ye Ala Denke ye.

Kɔlɔsekaw 2:9

Katuguni Alaya dafalenya fari-
koloman, o bεe sigilen bε ale de
kɔnɔ.

1 Yuhana 4:15

Mɔgɔ o mɔgɔ y'a fɔ ko Yesu ye
Ala Denke ye, Ala tolen bε o la, o
tolen bε Ala la.

Ezayi 9:5

Deen bangira an ye, denke dira
an ma. Kuntigiya na la a kaman
kan. A tɔgɔ na wele ko Kabako,
Nyayirala, Sebayatigi Ala, Aba-
da Faa, Here Kuntigi.

Yuhana 8:23

A y'a fo u ye, ko: Aw ye duguma taw ye, ne kɔni ye sanfe taa ye. Aw ye nin dien taw ye, ne te nin dien taa ye.

Yuhana 11:25

Yesu y'a fo a ye: Ne de ye suu kununni ni nyanamanya ye. Nin min lara ne la, hali ni o sara, a na nyanamanya.

Yuhana 13:13

Aw be ne wele Karamojo ni Matigi, aw ye tinye fo, katuguni ne ye o ye.

Yuhana 6:35

Yesu y'a fo u ye: Ne de ye nyanamanya dumunif'en ye. Nin mo-

gɔ min nana ne ma, kɔngɔ te o mine. Nin min lara ne la, minnɔgɔ te o mine abada.

Yuhana 8:58

Yesu y'a fo u ye: Tinye, tinye, ne b'a fo aw ye, sanni Ibrahima ka bangi, ne be yen.

Yuhana 10:7

Yesu y'a fo u ye kokura, ko: Tinye, tinye, ne b'a fo aw ye, ne ye sagaw ka daa ye.

Yuhana 4:25, 26

Muso y'a fo a ye: Ne y'a lɔn ko Masiya be na, o kɔrɔ ko Krisita. O mana na, a na feen bee fo an ye. Yesu y'a fo a ye, ko: O ye ne de ye, ne min be kuma i fe.

Matiyu 20:30, 34

U y'a men minke ko Yesu temento lon, u perenna, ko: Matigi, Dawuda Denke, makari an na . . . U hine ye Yesu mine, a magara u nyaw la. O yoro nin be u ye yelike, u tugura a noo fe.

Matiyu 21:19

A ye tubabu torosun dɔ ye sira daa la. A y'i madon a la, nga a ma foyi soro a la fura koo. A y'a fo a ye: Deen si kana bo i la tun abada. O yoro nin be torosun jaara.

Matiyu 14:19-21

A ye o buru kuun duuru ni jēge fila ta, ka a nyaa kōrōta sanfe, ka duba ta a ye. O koo, a ye buru kari-

kari, ka a di kalandenw ma, kalandenw y'a di jama ma. U bee ye dumuni ke k'u fa. U ye dumuni kunkurun to tolenw ce ka segi tan ni fila fa. O dumunikelaw ye ceewaa duuru nyogon bo, musow ni denmisew seen t'a la.

Luka 5:4-6

A tlalen koo a ka kuma la, a y'a fo Simon ye, ko: I ka kurun madon dun na ka aw ka jow bila jii la ka mōni ke. Simon y'a jaabi, ko: Karamog, an sira baara la, an ma foyi mine, nga i ka kuma kosoñ ne na jow bila jii la. U y'o ke minke, u ye jēge caman mine kosebe fo u ka jo bira tigeli la.

Yesu Krisita Ye Danba Ani Matigi Ye

Heburuw 1:2

Ala . . . nga a kumana an fe nin lonw laban na a Denke de la. A ye o sigi ka a ke feen bee ceen tala ye. A ye dienw dan fana o barika la.

Kewaliw 2:36

Israyeli ka soo bee ka a lon ka gweya a la, ko aw ye nin Yesu min gwengwe yiri la, Ala ye o ke Matigi ni Krisita ye.

Romekaw 14:9

Nin de y'a to Krisita sara ka nyanamanya, walasa a ka sigi suw ni nyanamanw kuun na.

Efekewak 3:9

Ko gundo min dogolen tun be feen bee danba Ala la kabini waa-

tiw daa minε, o nyanaboli ye min ye, ne ka o labo kene la mogow bee nyaa na.

Yuhana 1:3

Feeen bee danna o de fe. Feeen o feen danna, o si ma dan ni ale noot te.

1 Kɔrentekaw 1:9

Ala ye kantigi ye, ale de ye aw wele ka ke a Denke an Matigi Yesu Krisita jennyogonw ye.

Kɔlɔsekaw 1:16

Katuguni sankolo la fenw ni dugukolo kan fenw, feen yetaw ni feen yebaliw, masa sigi yɔrɔw ni matigiyaw, kuntigiyaw ni fangaw, feen bee danna ale fe ni ale ye ani ale la.

Yesu Krisita Ye Fœn Bee Kiiritigela Ye

7

Matiyu 25:32

Siyaw bœna lajen a nyaa kœrœ, a na u fara ka bœ nyögœn na, iko sagagwenna bœ sagaw ni baw fara ka bœ nyögœn na cogo min na.

Kewaliw 10:42

Yesu ye cii fœ an ye ko an ka mœgœw waaju ka fœ ka a gwœya ko Ala ye min sigi ka ke nyanamanw ni suw kiiritigela ye, o ye ale de ye.

Römekaw 2:16

Ni Ala bœ mœgœw ka koo dogolenw kiiritige Yesu Krisita bolo loon min na, ka kœnyœ ni ne ka kibaru diman ye.

2 Timote 4:1

Ne b'a gwœleya i ma Ala ni Krisita Yesu nyaa na, o min bœna kiiritige nyanamanw ni suw kan, ka a gwœleya i ma a yirali ni a ka masaya kœson.

Luka 3:17

A ka lefe bœ a bolo, a na a ka gwœndekene furan ka a sebe jen, ka nyœœ lasagon a ka jigine kœnœ, nga a na nwœnye jœeni tasuma sabali la.

Römekaw 14:10

E kœni, mun y'a to i bœ i balima jalaki? E fana, mun y'a to i bœ i balima mafyœnya? An bee na an jo Ala ka kiiritige yœrœ la.

Yuhana 10:9

Ne de ye daa ye. Nin min donna ne fe, o na kisi, ka don, ka bɔ, ka dumuni ke yɔrɔ sɔrɔ.

Yuhana 14:6

Yesu y'a fɔ a ye: Ne de ye sira ye ani tinye ani nyanamanya. Mɔgɔ si te na ne Faa ma ni ne nɔɔ te.

Heburuw 5:9

A dafalen kɔɔ, a kera abada da-bɔba ye a kan minebaw ye.

Yuhana 8:24

O de y'a to ne y'a fɔ aw ye ko aw na sa ka aw to aw ka jurumuw la, katuguni aw ma la a la ko ne

ye ale de ye, aw na sa ka aw to aw ka jurumuw la.

Heburuw 7:25

O de kɔɔn fana, minw be gere Ala la ale bolo, a be se ka olu kisi fo a laban, kamasɔrɔ a nyanaman be to fo abada ka dalili ke u ye.

Rɔmekaw 3:24

Jo be di u ma gwansan a ka neema barika la kunmabɔli fe, o kunmabɔli min be Krisita Yesu la.

Kisili te sɔrɔ dɔ were si la ale kɔɔ, katuguni an kakan ka kisi tɔgɔ min fe, o si ma di mɔgɔw cemman sankolo jukɔrɔ, ale tɔgɔ kɔɔ.

—Kewaliw 4:12

Tite 2:14

O de ye a yere di an kɔson, wala sa a ka an kunmabɔ koo jugubee ma, ka siya dɔ saniya a yere ye, u ka ke a yere taw ye, ka u ji ja kewali nyumanw la.

U ye tanuli dɔnkili kura la, ko: E de kakan ni kitabu tali ye, ani ka a taamashyenw daa yele, katuguni i fagara, i ye mɔgɔ dɔw san Ala ye i jɔli la ka bɔ bonsɔnw bee ni kanw bee ni mɔgɔ sifaw bee ani siyaw bee la. —Yirali 5:9

Kɔlɔsekaw 1:12-14

Aw ka barika la an Faa ye, o de ye an laben ka niyɔrɔ sɔrɔ senu manw ka cœn na kene la. A ye an tla ka bɔ dibi fanga la, ka an ladon

a Denke kanulen ka masaya la. An ye kunmabɔli sɔrɔ ale de la, jurumu yafa kɔni.

Luka 19:10

Min tununa, Mɔgɔ Denke nana o nyini, ka a kisi.

Galasikaw 3:13

Krisita ye an kunmabɔ ton ka danga ma, ale yere kera danga ye an nɔɔ na—kamasɔrɔ a sɛbennɛn be, ko: Mɔgɔ o mɔgɔ dlonna yiri la, o dangalen be.

1 Kɔrentekaw 1:30

Aw kɔni be Krisita Yesu la ale de barika la. Ala ye Yesu ke hakili tigiya ye an ye, ani tlennenya ni saniyalı ani kunmabɔli.

1 Yuhana 1:7

Nga ni an be taama kene la, iko ale yere be kene la cogo min na, an ye jennyegonw de ye, a Denke Yesu Krisita joli be an saniya jurumu bee ma.

Romekaw 5:9

Janko jo dilen koo an ma Yesu joli kocon, an na kisi Ala ka dimiya ma Yesu barika la.

Matiyu 26:28

Nin ye ne joli de ye, layidu kura joli, a bona mogo caman ka jurumuw yafa kama.

1 Piyere 1:18, 19

Kamasoro aw b'a lon ko aw ma kunmaboo ni feen tolitaw ye, iko wari ni sanu, ka bo aw ka taama

cogo fufafu la, aw kalanna o min na aw faw fe. Nga aw kunmabora ni Krisita joli ye, o kafisa feen bee ye, i n'a fo sagaden joli, noo si t'a la, noogo yoro t'a la.

Romekaw 5:11

O doren te, an be nyagari kosebe fana Ala la an Matigi Yesu Krisita barika la. Ale de barika la a an ye an ni Ala ce labenni soro sisian.

Nga Krisita joli be saniyali ke ka temen o kan kosebe. A ye a yere ke saraka ye Ala ma, abada Nii barika la, noo si t'a la. A joli be aw dusukun saniya ka kewali salenw bo a la, walasa aw ka baara ke Ala nyanaman ye. —Heburuw 9:14

Efēzekaw 2:8, 9

Aw kisilen be neema de barika la danaya fε. O ma bɔ aw yerew la dε, Ala ka nilifen lon. O te kewaliw nɔɔ ye, walasa mɔgɔ si kana a yere bonye.

Rōmekaw 5:1

Jo dira an ma danaya barika la. O de kɔson, here donna an ni Ala ce an Matigi Yesu Krisita barika la.

Galasikaw 5:6

Krisita Yesu la, bolokoli o, bolokobaliya o, nafa te u si la. Dana ya min be baara ke kanuya barika la, nafa be o de la.

Yuhana 20:31

Nga nin kow səbenna walasa aw ka la a la ko Yesu ye Krisita ye, Ala Denke, ani walasa ni aw lara a la, aw ka nyanamanya sɔrɔ a tɔgɔ la.

Yuhana 6:28, 29

U y'a fɔ a ye: An na mun ke ka Ala ka kewaliw ke? Yesu ye u jaa bi, ko: Nin de ye Ala ka kewali ye, Ala ye min cii, aw ka la o la.

1 Yuhana 5:4

A ka ciw mangwεlε, kamasɔrɔ min bangira Ala fε, o be see sɔrɔ dien kan. See min be sɔrɔ dien kan, o ye nin de ye, an ka danaya.

2 Körəntekaw 1:3

Tanuli ka ke an Matigi Yesu
Krisita Faa Ala ye, makari Faa
ani dusu saloli bee tigi Ala.

Zaburuw 103:11

A be makari min ke a nyaa si-
iranbaw la, o kabon, a be sankolo
ni dugukolo ce janya bo.

Zaburuw 103:17

Nga Zehofa ka makari be a nyaa
siranbaw la kabini fələfələ fo aba-
da. A ka tlennenya be denw taa
denw kan.

Zaburuw 108:5

Katuguni i ka makari kabon
sankolow sanfe, i ka kantigiya
sera fo sankabaw ma.

Tite 3:5

An yərew ye kewali nyuman
minw ke, olu nɔɔ te de, a yere ka
makari nɔɔ lon, o kera bangi koku-
ra koli ni Nii Senu ka kurayali
barika la.

Jəni ye i bənyəgən koo Ala ye,
e min be tlenbaliya yafa, min te i
hakili to i ka cənw to tolenw ka
ton cenni kow la? A diminen təna
to fo abada, katuguni makari koo
kadi a ye haali. —Mise 7:18

**Zəremi ka Kasili Kan
Dənkili 3:22, 23**

Zehofa ka makari de y'a to an
ma ban, katuguni a ka hine kow
te ban. U be kuraya səgəma o sə-
gəma. I ka kantigiya kabon haali.

Ezayi 1:18

Zehofa ko: Aye na sa, an ka nyogon famu. Hali ni aw ka jurumuw blenna, u na gweya iko nezi. Ni u blenyara fo ka fin, u na ke iko sagasi gweman.

Yuhana 7:37

Seli loon laban, seli loonba,
Yesu ye i jo yen ka peren, a ko: Ni
minnogø be mogø min na, o ka na
ne ma k'i min.

Yirali 22:17

Nii Senu ni konyomuso b'a fo:
Na. Min b'a men, o k'a fo: Na.
Minnogø be min na, o ka na. Nin
min sonna, o ka nyanamanya jii
min gwansan.

Matiyu 11:28

Aye na ne ma, aw minw bee segenen be, ni aw doninen be, ne na lafinyø di aw ma.

2 Korentekaw 5:20

An ye ciden fangamanw ye Krisita noo na. A be iko Ala be waa-juli ke an daa la. An be aw dali Krisita noo na ko aw ka son aw ni Ala ce ka ben.

Ezayi 55:1

Minnogøtøw, aw bee ka na jiwyorø la, ani wari te min fe fana.
Aye na ka sanni ke ka dumuni ke.
Aye na ka duwen ni nono san ni
wari te, songø t'a la.

1 Yuhana 3:10

Ala denw ni Sitanə denw bə lən
ka bə nyəgən na nin de la, məgə o
məgə te to ka tlennenya kə, o ma
bə Ala la, o ni min te a balima
kanu fana.

Rōmekaw 8:14, 15

Ala Nii ye minw nyamineba ye,
olu bəe ye Ala denw ye. Aw ma
jənya nii sərɔ, ka kəsegin ka siran
kokura, nga aw ye denya nii sərɔ.
Ale de b'a to an bə pəren, ko: Aba,
an Faa.

2 Kərentekaw 6:17, 18

O de y'a to, aw ka bə u cəman
ka fara u la, Matigi ko ten. Aw

kana maga feen saniyabali si la.
Ni aw ye o kə, ne na sən aw la, ne
na kə aw Faa ye. Aw na kə ne den-
kew ni ne denmusow ye. Matigi
Sebayabeetigi ko ten.

Filipekaw 2:15

Walasa aw ka kə jalakibali gwe-
lenw ye, Ala deen jalakibaliw, mə-
wolo tlenbali tulo gwələ cəman,
k'a sərɔ aw bə yeelen bə u cəman
iko fitinew bə dien na cogo min
na.

Yuhana 1:12

O bə n'a ta, minw sənna a ma, a
ye fanga di olu bəe ma ka kə Ala
denw ye, olu minw lara a təgə la.

Talenw 23:31, 32

I kana i nyaa la duwen kan ni a blenna, ni a be kanga fileen kɔnɔ, ni a be furufuru tuma min na. A laban na, a be mɔgɔ cin i n'a fɔ saa, a b'a cin i n'a fɔ dankalan.

Ezayi 5:11

Mɔgɔ minw be soli ka wuli, wala sa u ka minnifen farimanw min ka men u nyaa na, fo dlɔ be u nyamini, bɔne be olu ye.

Galasikaw 5:19-21

Ayiwa, farisogo ka kewaliw y'u yira, u fle ninw ye, jatɔya, nɔgɔlenya, kakalaya, boli batoli, subaya, nyɔgɔn juguya, kεlε, keleya,

dusu dimi kow, bila nyɔgɔn na kow, sɔsɔli kow, kan tlali kow, koniya, mɔgɔ fagali, dlɔtɔya, koo kolonya, ani olu bɔnyɔgɔn kow. Ne be aw lasɔmi, iko ne tun y'a fɔ aw ye kabən cogo min na, ko mɔgɔ minw be o kow kε, olu tena Ala ka masaya sɔrɔ ceen na.

Rɔmekaw 13:13, 14

An ka taama cogo tlennen na, iko tile fe la cogo. An kana taama tloon juguw ni dlɔtɔya la, wala jatɔya ni kakalaya la, wala kεlε ni keleya la. Nga aye Matigi Yesu Krisita don aw la, aw kana fari-sogo nege kow nyasigi.

Talenw 16:25

Sira dɔ bε yen, a tlennen lon
mɔgɔ nyaa na, nga a laban ye
saya siraw ye.

Marika 10:17-22

Ka a taatɔ to sira fe, cee dɔ boli-
la ka taa i nyɔngiri a kɔrɔ, ka a
nyininga, ko: Karamɔgɔ nyuman,
ne ka mun ke walasa ne ka nyana-
manyα banbali sɔrɔ? Yesu y'a fɔ a
ye, ko: Mun na i bε ne wele nyu-
man? Nyuman si te fo kelen, o ye
Ala ye. I bε cii fɔlen lɔn. I kana
jatɔya ke. I kana mɔgɔ faga. I
kana sonyeli ke. I kana galon see-
reya ke. I kana mɔgɔ si tɔnyɔ. I

ka i faa ni i baa bonye. O cee y'a fɔ
a ye: Karamɔgɔ, ne ye o ciw bεe
mara kabini ne denmisɛnma. Yesu
y'a maflε, a y'a kanu. A y'a fɔ a
ye, ko: Feen kelen bε i je. Taa i
bolofen bεe feere, ka a di fan-
ntanw ma, nafoloba na ke i fe san-
kolo la. O kɔɔ, i ka na tugu ne la.
A nyaa kumuna o kuma kɔɔn. A
nyanasisilen taara, kamasɔrɔ na-
foloba tun be a fe.

Matiyu 22:37, 38

A y'a fɔ a ye: I ka i Matigi Ala
kanu ni i dusukun bεe ye, ani i nii
bεe, ni i hakili bεe. O ye cii fɔlen
fɔlɔfɔlɔ ni ciw bεe la belebele de
ye.

Yakuba 1:22

Aw ka kε Ala ka kuma kεbaw
ye, aw kana kε a mεnbaw dɔrɔn
ye, ka aw yεrew lafili.

Efezekaw 5:6

Mɔgɔ si kana aw lafili ni kuma
fu ye, katuguni o kow de b'a to
Ala ka dimiya bε na kan bilali
denw kan.

1 Yuhana 3:7, 8a

Denmisεnw, mɔgɔ si kana aw
lafili. Nin min bε tlennenya kan,
o tlennen bε, iko ale yεre tlennen
bε cogo min na. Nin min bε to ka
jurumu kε, o bɔra Sitane de la,
katuguni Sitane bε jurumu kε ka
bini fɔlɔfɔlɔ.

Galasikaw 6:3

Ni mɔgɔ dɔ y'i miiri ko ale ye
feen ye, k'a sɔrɔ a te feen ye, o bε
a yεre lafili.

Matiyu 24:5

Mɔgɔ caman bε na ne tɔgɔ la k'a
fɔ ko u ye Krisita de ye. U na
mɔgɔ caman lafili.

1 Korentekaw 6:9, 10

Aw ma a lɔn ko tlenbaliw tena
Ala ka masaya sɔrɔ wa? Aw kana
aw yεrew lafili, kakalaw o, boli
batobaw o, jatɔw o, musomaw o,
cεe nyɔgɔn nyininaw o, sonyeli
kelaw o, wasabaliw o, dlɔtɔw o,
nenilikεlaw o, binkanikεlaw o, olu
si tena Ala ka masaya sɔrɔ.

Talenw 11:19

Mogø min tora tlennenya kan, o na nyanamanya sɔrɔ. Min be juguya nɔɔ fe, o na saya sɔrɔ.

Yakuba 1:15

Nege dun mana kɔnɔ ta, a be jurumu bangi. Jurumu mana dafa, a be saya bangi.

Romekaw 8:6

Farisogo kow miirili ye saya ye, nga Nii Senu kow miirili ye nyanamanya ni here de ye.

Romekaw 5:12

A be tan. Jurumu donna dien na mogø kelen barika la. Saya sera Adama denw bee ma, kamaserø u

bee ye jurumu ke. Sanni ka ton sigi, jurumu tun be dien na, nga jurumu te jati ni ton te yen.

Luka 15:32

Nga an kakan ka nyanagwe ka nyagari, katuguni i dɔgɔke min ye nin ye, a salen tun be, a nyanamanyaara, a tun tununa, a yera.

Ezekiyel 18:20

Mogø min ye jurumu ke, o de na sa. Faa ka tlenbaliya tøna bila a denke kun, denke ka tlenbaliya tøna bila a faa kun. Mogø tlennen ka tlennenya na ke a yere kun, mogø jugu ka juguya na ke a yere kun.

Luka 7:14, 15a

A y'i gεrε u la ka a bolo la suutan kan, suu doninaw y'u jɔ. A ko: Kamalen, ne b'a fɔ i ye, wuli. O suu wulila k'i sigi ka kuma daa mine.

Yuhana 11:43, 44

A ye o fɔ tuma min na, a pεren-na kosebε, ko: Lazare, bɔ kεnεma. Suu bɔra, a bolow ni a senw siri-lεn bε kasange la, kuun na sirilan bε a nyada la. Yesu y'a fɔ u ye: Ay'a foni ka a bila a ka taa.

Yuhana 10:17, 18

Ne Faa bε ne kanu nin de kɔson, katuguni ne bε ne nii di walasa ne ka a ta kokura. Mɔgɔ si t'a bɔsi ne la nga ne yεrε b'a di. Fanga bε

ne fε ka a di, fanga bε ne fε ka a ta kokura. O cii fɔra ne ye ne Faa fe.

Yirali 1:18

I kana siran, ne ye fɔlɔ ni laban ye. Ne nyanaman lon, ne tun sara, a fle, ne nyanaman bε to abada fo abada. Saya ni Hadesi konnegε bε ne bolo.

1 Korentekaw 15:24-26

O kɔɔ, laban na se. Kuntigiya bεε ni fanga tigiya bεε ani sebaya bεε bannen kɔɔ a fe, a na masaya don Faa Ala bolo, katuguni wajibi lon a ka sigi masaya la fo a ka a juguw bεε bila a seen kɔɔ. A jugu min na ban feen bεε kɔɔ, o ye saya ye.

Duterənəme 5:7-21

Ko i kana batofən wərə si ke i fe ale kɔɔ.

I kana jaa ləsənen si dlan i yərə ye, sankolo la feen wala dugukolo kan feen wala dugukolo jukɔɔ jii la feen, i kana olu si bisigi dlan i yərə ye. I kana i biri u kɔɔ, i kana baara ke u ye. . . .

I kana Zehofa i ka Ala tɔgɔ fɔ fu. Nin min be Zehofa tɔgɔ fɔ fu, Zehofa təna o tigi to jalakibali ye.

I hakili to lafinyε loon na ka a saniya, iko Zehofa i ka Ala y'a fɔ i ye cogo min na. I ka baara ke tile wɔɔrɔ kɔɔnɔ ka i ka baara bee ke, nga tile wolonwula loon ye Zehofa i ka Ala ka lafinyε loon ye. . . .

I faa ni i baa bonyε, iko Zehofa i ka Ala y'a fɔ i ye cogo min na, wala sa Zehofa i ka Ala be jamana min di i ma, i shii tilew ka caya, ani i ka here sɔɔ o la.

I kana mɔgɔ faga.

I kana jatɔya ke.

I kana sonyeli ke.

I kana galon seereya ke i mɔgɔ nyɔgɔn kan.

I nyaa kana bɔ i mɔgɔ nyɔgɔn muso fe. I nyaa kana bɔ i mɔgɔ nyɔgɔn ka soo fe, wala a ka foro wala a ka jɔnke wala a ka jɔnmuso wala a ka misi wala a ka fali. I nyaa kana bɔ i mɔgɔ nyɔgɔn ka feen si fe.

Luka 8:17

Gundo si te fana ni a tena bo
kene kan ka lon.

Zobe 34:21, 22

Ala nyaa be mɔgɔ ka siraw kan,
a be a taama cogo bee kɔlɔsi. Dibi
ni saya suma te yen ka ke tlenba-
liya kεbaw dogo yɔrɔ ye.

Zeremī 23:24

Mɔgɔ be se ka a yεrε dogo yɔrɔ
dogolen na, walasa ne kana a ye
wa? Zehofa ye o fɔ. Ne te sankolo
ni dugukolo fa wa? Zehofa ye o fɔ.

Zaburuw 139:8, 12

Ni ne yεlela ka taa sankolo
kɔnɔ, i be yen, ni ne be ne la Hadε-
si kɔnɔ, a fle, i be yen. . . . Dibi te

dibi ye i nyaa na, suu be kene bo
iko tile, dibi ni kene kakan i nyaa
na.

Talenw 15:3

Zehofa nyaa be yɔrɔ bee la, a be
mɔgɔ juguw ni mɔgɔ nyumanw
kɔlɔsi.

Heburuw 4:13

Danfen si dogolen te a nyaa na,
nga an kakan ka an konyew nyaa
fɔ min ye, feen bee lakolon lon, u
daa yεlelen be o nyaa kɔrɔ.

Kewaliw 17:27

A b'a fe u ka Matigi nyini, ni u
mɔmɔli keto be se ka a sɔrɔ, hali
k'a sɔrɔ a yɔrɔ manjan an si la,
katuguni ale de la, an be.

2 Piyere 3:7

Nga sankolo ni dugukolo minw bɛ sisan, olu maralen bɛ o kuma kelen barika la tasuma kama. U bilalen bɛ kiiri loon ni Ala nyaa siranbaliw halaki loon nyaa.

Matiyu 25:46

Olu na taa tɔɔrɔ banbali la, tlen-nenw na don nyanamanya banba-li la.

Matiyu 13:41, 42

Mɔgɔ Denke na a ka mɛlɛkɛw cii, feen minw bɛɛ bɛ mɔgɔw kunnantinyɛ, ani minw bɛ koo jugu ke, u na olu bɛɛ ce ka u bɔ a ka masaya la. U na u bee fili gwan tugu tasuma kɔnɔ, kasi ni nyiin nyimi na ke yen.

Matiyu 18:8

Ni i bolo wala i seen bɛ i bila ju-rumu la, a tige ka a fili. I bolo ke-len tigi wala i seen kelen tigi ka don nyanamanya la, o kafisa i ma i bolo fila tigi wala i seen fila tigi ka bila tasuma sabali la.

Romekaw 1:18

Ala ka dimiya y'i yira ka bɔ san-kolo la, mɔgɔw ka Ala nyaa siran-baliya ni u ka tlenbaliya bɛɛ kama, olu minw bɛ tinyɛ bali ni u ka tlenbaliya ye.

Zaburuw 9:18

Mɔgɔ juguw na lasegin kɔɔ fe ka bila Hadesi kɔnɔ, olu ni siya minw bɛɛ nyinena Ala kɔɔ.

Heburuw 9:27

A latigera məgəw ye, ko u ka sa sinye kelenpe, o kɔɔ, kiiri na tige.

2 Piyere 2:9

O cogo la Matigi bε se ka Ala nyaa siranbaw tla kɔrɔbɔli la, ka mɔgɔ tlenbaliw mara kiiri loon nyaa tɔɔrɔ kama.

2 Korentekaw 5:10

Wajibi lon an bεe ka an yεrew yira Krisita ka kiiritige yɔrɔ la, walasa mɔgɔw bεe kelen kelen ye min kε ka u to u farikolo la, koo nyuman o, koo jugu o, u ka o sɔrɔ ka kenyε ni u ka kewaliw ye.

Yirali 20:12

Ne ye suw bεe ye, kunbabaw ni dɔgɔmaniw, u jɔlen bε masa sigi-

lan nyaa kɔrɔ. Kitabuw daa yεlela. Kitabu dɔwεre daa yεlela, o ye nyanamanya kitabu ye. Kiiri tige-
ra suw kan o kitabuw koo sεben-
nenw la, ka kεnyε ni u ka kewaliw
ye.

Kewaliw 17:31

Katuguni a ye loon dɔ sigi, a na
kiiritige dien kan ni tlennenya ye
a ka cee lasigilen de bolo. A ye taa-
mashyεn gwεlen kε o la mɔgɔw
bεe ye, katuguni a y'a lakunun ka
bɔ suw cεman.

1 Yuhana 4:17

Kanuya bε dafa an fε nin de la
walasa an jaa ka gwεleya kiiri
loon na, katuguni ale bε cogo min
na, an fana bε dien na o cogo de la.

2 Korentekaw 9:15

Barika Ala ye a ka nilifen dama lənbali kɔsɔn.

2 Korentekaw 8:9

Aw ye an Matigi Yesu Krisita ka neema lən, ko a feen tigiman kera fanntan ye aw kɔsɔn, walasa aw ka feen tigiya ale ka fanntanya fe.

Kewaliw 4:33

Cidenw tun bε Matigi Yesu kunnini seereya ke ni sebayaba ye, neemaba kera u bεe kan.

Rōmekaw 5:15

Nga o hake koo ni Ala ka nili te cogo kelen na. Ni mɔgɔ kelen ka hake y'a to mɔgɔ caman sara, a gweyalen bε ka temen o kan ko

Ala ka neema ani nilifen min ye mɔgɔ kelen Yesu Krisita ka neema nɔɔ ye, olu cayara mɔgɔ tɔw bεe ye.

Rōmekaw 9:16

O de kɔsɔn, o te mɔgɔ sago nɔɔ ye, o te mɔgɔ ka boli nɔɔ ye, o ye makarikela Ala de nɔɔ ye.

Tite 3:7

Walasa jo dilen kɔɔ an ma a ka neema barika la, an ka ke ceen talaw ye, ka kenyε ni nyanamanya banbali jigi ye.

1 Piyere 5:5b

... Ala bε kuncebaw kεlc, nga a bε neema di yεrε majiginnenw ma.

Kewaliw 2:38

Piyere y'a fɔ u ye, ko: Aye nimisi aw ka jurumuw la, aw bɛe kelen kelen ka batise Yesu Krisita tɔgo la aw ka jurumuw yafa kɔson.

Matiyu 3:2

A ko: Aye nimisi aw ka jurumuw la katuguni sankolo masaya surunyara.

Kewaliw 17:30

Ala ma o lɔnbaliya tumaw jati, nga sisan a b'a fɔ mɔgɔw bɛe ye yɔrɔ bɛe, ko u ka nimisi u ka jurumuw la.

2 Korentekaw 7:10

Nyanasisili min benna Ala ma, o de b'a to mɔgɔ be nimisi jurumu

la ka kisili sɔrɔ. Nimisi te o nimisili la nga dien ka nyanasisili be saya de ke.

Luka 13:3

Ne ko, ayi, nga ni aw ma nimisi aw ka jurumuw la, aw bɛna halaki ten.

Kewaliw 3:19

Aye nimisi aw ka jurumuw la sa ka segin Ala ma, walasa aw ka jurumuw ka jɔsi ka bɔ yen, walasa lafinye tumaw ka na ka bɔ Matigi fe.

Talenw 28:13

Nin min be a ka hakew dogo, o tigi ka koo te nyε, nga min be jɔ u la ka u bila, o be makari sɔrɔ.

Marika 2:5

Yesu ye u ka danaya ye minke,
a y'a fɔ o cee faan fila salen ye,
ko: Ne deen, i ka jurumuw yafara
i ma.

Matiyu 6:14

Ni aw bε mögɔw ka hakεw yafa
u ma, aw sankolo la Faa fana na
yafa aw ma.

Ezayi 55:7

Mögɔ jugu ka a ka sira bila,
mögɔ tlenbali ka a ka miirili cogo
bila. A ka kɔsegin Zehofa ma, a na
makari a la. A ka kɔsegin an ka
Ala ma, katuguni a na yafali koo
caya.

Ezekiyel 18:21

Ni mögɔ jugu yelemana ka a ka
jurumu kelenw bεe daa bila ka ne
ka ton sigilenw bεe kɔlɔsi ka sεbe
koo ni tinyε koo kε, o tigi nyana-
man na to, siga t'a la, a tēna sa.

Kewaliw 5:31

Ala ye ale de kɔrɔta a kini bolo
faan fe ka kε Masake ni Kisiba
ye, walasa a ka nimisili ni juru-
muw yafa di Israyeli ma.

Yirali 3:20

Ne jɔlen flε daa la ka daa gosi.
Ni mögɔ dɔ ye ne kan men ka daa
yεlε, ne bε don o fe, ka dumuni kε
a fe, a na dumuni kε ne fe.

Ezayi 1:16

Aw ka aw ko ka aw gweya. Aw ka aw ka kewali juguw bila ka u bɔ ne nyaa kɔrɔ ka koo jugu keli daa bila.

Tite 2:11, 12

Katuguni Ala ka neema min bε na ni kisili ye mɔgɔw bε ye, o y'i yira. O bε an kalan ko an ka ban Ala nyaa siranbaliya ni nin dien negew ma, ka taama nin waati tuma la ni hakili sigilen ni tlen-nenya ni Ala nyaa siran ye.

1 Yuhana 2:15, 16

Aw kana dien kanu, aw kana dien kɔnɔ fenw kanu. Ni dɔ ye dien kanu, an Faa kanuya te o tigi kɔnɔ

fewu, katuguni feen minw bε dien na, farisogo nege, nyaa nege, ani dien ka yere yirantiya, olu ma bɔ an Faa la menε, u bɔra dien de la.

Kɔlɔsekaw 3:2

Aye miiri sanfe fenw la, aw kana miiri dugukolo kan fenw la.

Efezekaw 5:11

Aw ni dibi kewali nafantanw kana jen nga aw ka u kɔrɔfɔ yere.

Yakuba 4:4

Jaatɔw, aw m'a lɔn ko dien teri-ya ye Ala juguya de ye wa? Min b'a fe ka ke dien teri ye, o ye a yere ke Ala jugu de ye.

1 Yuhana 2:29

Ni aw y'a lɔn ko ale tlennen lon,
ay'a lɔn fana ko mɔgɔ o mɔgɔ bɛ
tlennenya kan, o bangira ale de fe.

Ezekiyel 36:26

Ne na dusukun kura fana di aw
ma ka nii kura ke aw kɔnɔ. Ne na
dusukun magaman di aw ma.

Yuhana 3:3

Yesu y'a jaabi, ko: Tinye, tinye,
ne b'a fo i ye ni mɔgɔ ma bangi ko-
kura, a te se ka Ala ka masaya ye.

1 Kɔrentekaw 6:11

Aw dɔw tun be ten de, nga aw
kora, aw bilara Ala ye ka saniya,

jo dira aw ma an Matigi Yesu tɔgo
la, ani an ka Ala Nii barika la.

2 Kɔrentekaw 5:17

O de y'a to ni mɔgɔ dɔ bɛ Krisi-
ta la, a kera danfen kura ye. Fœen
kɔrɔw tɛmenna, a fle, fœen bœ kera
kura ye.

1 Piyere 1:23

O ma ke ni sii tolita ye, fo sii
tolibali, Ala ka kuma nyanaman
banbali barika la.

1 Yuhana 5:18

An y'a lɔn ko mɔgɔ o mɔgɔ ban-
gira Ala fe, o te to ka jurumu ke,
nga min bangira Ala fe, o be a
mara, o juguman te maga a la.

Saya Jurumu Taa Faan Fε—Nyanamanya Krisita La 29

Galasikaw 5:24

Minw ye Krisita Yesu taa ye,
olu kɔni ye farisogo ni a negew ni
a sagow gwengwe yiri la.

Efεzekaw 2:1, 6

Aw kɔni salen tun bε aw ka hakew ni aw ka jurumuw la . . . A ye an lakunun nyɔgɔn fε fana, ka an sigi nyɔgɔn fε sankolo yɔrɔw la Krisita Yesu la.

Rɔmekaw 6:2, 11

An minw sara jurumu taa faan fε, an na to ka jurumu kε cogo di?
. . . O cogo la, aw fana, aye aw yεrew jati suw ye jurumu taa faan fε, ka aw jati nyanamanw ye Ala taa faan fε Krisita Yesu la.

1 Piyεrε 2:24

Ale yere ye an ka jurumuw ta a farikolo la yiri kan, walasa an ka kε salenw ye jurumuw taa faan fε, ka nyanamanya tlennenya taa faan fε. Aw kεneyara ale gosili now fε.

Kɔlɔsekaw 2:13

Aw salen tun bε aw ka hakew ni aw farisogo bolokobaliya la tuma min na, a ye aw ni ale nyanamanya nyɔgɔn fε, k'a sɔrɔ a ye an ka hakew bεε yafa an ma.

Kɔlɔsekaw 3:1

Ni aw ni Krisita kununna nyɔgɔn fε, aye sanfε fεnw nyini. Krisita sigilen bε Ala kini bolo faan fε yen.

Galasikaw 6:8

Min ye danni ke a farisogo ye, o na tolilenya sɔrɔ ka bɔ farisogo la. Min ye danni ke Nii Senu ye, o na nyanamanya banbali sɔrɔ ka bɔ Nii Senu la.

Yuhana 3:14, 15

Musa ye saa kɔrɔta kungokolo kɔnɔ cogo min na, wajibi lon Mɔgɔ Denke fana na kɔrɔta ten de, wala-sa mɔgɔ o mɔgɔ lara a la, o kana halaki, nga o ka nyanamanya banbali sɔrɔ.

Yuhana 17:3

E min ye Ala sɛbɛ kelenpe ye, ani i ye Yesu Krisita min cii, ka e ni o lɔn, o de ye nyanamanya banbali ye.

Yuhana 5:24

Tinye, tinye, ne b'a fɔ aw ye ko nin mɔgɔ min ye ne ka kuma lam-en ka la ne ciba la, nyanamanya banbali bɛ o tigi fɛ, o seen te kiiri la, nga a bɔra saya la ka don nya-namanya la.

Rɔmekaw 6:23

Jurumu sarafɛn ye saya ye, nga Ala ka nilifɛn ye nyanamanya banbali de ye Krisita Yesu, an Matigi la.

Yuhana 3:36

Nin mɔgɔ min lara a Denke la, nyanamanya banbali bɛ o tigi fɛ. Nin min ma sɔn ka la a Denke la, o tena nyanamanya ye, nga Ala ka dimiya tolen bɛ o kan.

Galasikaw 4:6

Aw ye denkew ye, o de y'a to
Ala ye a Denke Nii cii ka don aw
dusukunw na, a bε pεren, ko: Aba,
an Faa.

Ezayi 32:17

Tlennenya ka baara na kε hεre
ye, tlennenya nɔɔ na kε lafinye ni
jigi sigilen ye fo abada.

Rømekaw 8:16

Nii Senu yere bε seereya kε an
nii fε, ko an ye Ala denw de ye.

1 Yuhana 3:18, 19, 24

Denmisεnw, an ka kanuya kana
kε daa la kuma ni neen kuun na,
fo kewali ni tineye la. O de y'a to

an k'a lɔn ko an ye tineye taa ye, an
na an dusukun sigi ale nyaa kɔrɔ
... Nin min bε ale ka cii følenw
mara, o tigi tolen bε ale la, ale to-
len bε o tigi la. An y'a lɔn ko ale
tolen bε an na, a Nii de barika la, a
ye o di an ma.

Yuhana 14:21

Ne ka cii følenw bε min bolo, ni
a bε u mara, o de bε ne kanu. Min
bε ne kanu, ne Faa na o kanu, ne
fana na o kanu ka ne yere yira a la.

1 Yuhana 4:13

Nin de y'a to an k'a lɔn ko an
tolen bε ale la ani ale tolen bε an
na, katuguni a ye a Nii dɔ di an
ma.

Yuhana 17:13

Sisan ne bε taa i ma. Ne bε nin kow fɔ dien na, walasa u ka ne ka nyagari dafalen sɔrɔ u yεrεw kɔnɔ.

Ezayi 12:3

Aw nyagarilen na jii bɔ kisili kɔlɔnw kɔnɔ.

Katuguni Ala ka masaya tε dumuni ni minni ye, fo tlennenya ni dusu suma ani nyagari, Nii Senu barika la. —Rɔmekaw 14:17

Galasikaw 2:20

Ne ni Krisita gwengwena yiri la nyɔgɔn fε. Ne nyanaman lon, ne yεrε te mεnε, Krisita de bε nyana-

manya ne kɔnɔ. Ne bε nyanamanya sisan farisogo la, ne bε o kε Ala Denkε danaya fε, o ye ne kanu ka a yεrε di ne kɔsɔn.

Efεzekaw 3:17a

Ko Krisita ka aw dusukunw kε a sigi soo ye danaya barika la.

Zaburuw 16:11

I na nyanamanya sira yira ne la. Nyagari dafalen bε sɔrɔ i nyaa kɔrɔ, diyanye kow bε i kini bolo fε fo abada.

Yuhana 15:11

Ne ye nin kow fɔ aw ye walasa ne ka nyagari ka kε aw kɔnɔ, ani aw ka nyagari ka dafa.

Rōmekaw 6:16

Aw bε aw yεrew bila min bolo ka kε a ka jɔnw ye ka a kan mine, aw bε min kan mine, aw ma a lɔn ko aw ye o tigi ka jɔnw ye wa? Ni jurumu taa lon, o laban ye saya de ye. Ni kan mineli taa lon, o laban ye tlennenya de ye.

2 Tesalɔnikɛkaw 1:7-9

... Aw minw tɔɔrɔlen bε, ni Matigi Yesu y'i yira tuma min na ka bɔ sankolo la ni a ka sebaya melekɛw ye ni tasuma manaba ye, ka hake bɔ Ala lɔnbaliw ani Matigi Yesu Krisita kibaru diman kan minebaliw la. Olu tɔɔrɔ na kε halakili banbali ye. U na gwεn ka bɔ

Matigi ni a ka sebaya nɔɔrɔ kɔrɔ a na tuma la.

1 Samuwel 12:15

Nga ni aw ma sɔn ka Zehofa kan mine, ni aw murutira Zehofa ka cii fɔlen ma, o tuma la Zehofa bolo na aw kεle, iko a ye aw benbaw kεle cogo min na.

Duterɔnɔme 11:26-28

A flε, ne bε duba ni danga bila aw nyaa kɔrɔ bi. Ne bε Zehofa aw ka Ala ka cii minw fɔ aw ye bi, ni aw ye olu lamɛn, o na kε duba koo ye. Ni aw ma Zehofa aw ka Ala cii fɔlenw lamɛn . . . o na kε dangali koo ye.

Filipekaw 2:11

Ani neen kuun bee ka jo a la ko
Yesu Krisita ye Matigi ye. O na
noco la Faa Ala kan.

Luka 9:26

Nin mogo min maloyaara ne ni ne
ka kuma ma, Mogoo Denke na ma-
loya o tigi ma, ni a nana ni a yere
noco ye tuma min na, ani a Faa
noco ani melleke senumanw fana
noco.

Matiyu 10:32, 33

Mogo o mogo y'a fo mogow nyaa
na ko a sonna ne ma, ne fana n'a fo
ne sankolo la Faa nyaa na ko ne
sonna o tigi ma. Nga min ye i da-

lace ne la mogow nyaa na, ne fana
na ne dalace o tigi la ne sankolo la
Faa nyaa na.

Romekaw 10:9, 10

Ni i be i jo Matigi Yesu la i daa
la, ka la a la fana i dusukun na ko
Ala y'a lakunun ka bo suw ceman,
i na kisi. Mogoo be danaya ke a du-
sukun na ka tlennenya soro, a be i
jo a la a daa la ka kisili soro.

1 Yuhana 2:23

Mogo o mogo be i dalace Ala
Denke la, a Faa te o taa ye fewu.
Mogo o mogo b'i jo Ala Denke la, a
Faa fana ye o taa ye.

2 Tesalonikekaw 2:9

O ton cенба nali bε ke ka kenyε ni Sitane ka baara ke cogo ye, ni kabako sifa bεε ye.

Kewaliw 26:18

Ko ne ka u nyaw layele, walasa u ka bɔ dibi la ka don kene la, ka bɔ Sitane fanga la ka taa Ala ma, walasa u ka jurumu yafa sɔrɔ, ka cεen ta saniyalenw fe, olu minw bilara Ala ye ka saniya ale danaya barika la.

Matiyu 4:1, 10, 11

O kelen kɔɔ, Nii Senu ye Yesu nyaa minε ka taa n'a ye kungoko-lo kɔnɔ, walasa a ka kɔrɔbɔ Sitane

fe. . . O tuma la, Yesu y'a fɔ a ye: Taa, ka bɔ yan, Sitane, katuguni a sebennen bε, ko i ka i Matigi Ala bato ka baara ke o kelenpe ye. O kɔɔ, Sitane taara ka a to yen. Mεlekew nana ka a mako nyε.

1 Piyere 5:8

Aye aw hakili sigi ka to aw nyaa na. Aw kele nyɔgɔn, Sitane, bε yaalayaala i n'a fɔ waraba kon-botɔ. A bε se ka min sɔrɔ k'a dun, a bε o de nyini.

Efεzekaw 6:11

Aye Ala ka kele ke minenw bεε don, walasa aw ka se ka jɔ ka Sitane ka nanbaraw kuunben.

Heburuw 2:14

Denw kera jennyɔgɔn w ye jɔli ni farisogo la. O de y'a to ale yere ye niyɔrɔ ta jɔli ni farisogo la, wala-sa saya fanga bε min bolo, Sitane kɔni, a ka o barika ban ni saya ye.

1 Yuhana 3:8

Nin min bε to ka jurumu ke, o bɔra Sitane de la, katuguni Sitane bε jurumu ke kabini fɔlɔfɔlɔ. Nin de y'a to Ala Denke y'i yira, wala-sa a ka Sitane ka kewaliw cen.

Rɔmekaw 8:35, 37

Jɔnni na an fara ka bɔ Krisita ka kanuya la? Bɔneba wala nyani,

wala mɔgɔ ka tɔɔrɔ, wala kɔngɔ-ba, wala fyere, wala siran kow, wala npaan wa? ... Nga o fənw bee la an temenna see sɔrɔbaw kan an kanuba barika la.

Yakuba 4:7, 8a

O de kɔson, aye kolo Ala ye, aye jɔ Sitane nyaa ka a kεlε, ni o kera, a na boli k'i mabɔ aw la. Aye gεre Ala la, ale fana na i gεre aw la.

2 Tεsalɔnikεkaw 2:8

O tuma la o ton cεnba na i yira, Matigi Yesu na a jεeni ni a dafinyε de ye, ka a halaki ni a yirali manamana ye.

Yuhana 13:35

Mögow bee na lön ko aw ye ne ka kalandenw ye nin de la, ni aw be nyögön kanu.

Yuhana 21:16

A y'a fɔ a ye a sinye filana na tun, ko: Zonasi denke Simon, i be ne kanu wa? A y'a fɔ a ye: Ḍwo, Matigi, i y'a lön ko i koo kadi ne ye. A y'a fɔ a ye: Ne ka sagaw gwən.

1 Korentekaw 13:1

Hali ni ne be kuma mögow kanw ni melekew kanw na, k'a sɔrɔ kanuya te ne kɔnɔ, ne be iko dənyen mankan citɔ wala weleninw.

1 Yuhana 3:14

An y'a lön ko an bɔra saya la ka don nyanamanya la, katuguni an be balimaw kanu. Nin min te a balima kanu, o tolen be saya la.

Galasikaw 5:22

Nga Nii Senu deen ye kanuya ye, ani nyagari, here, munyuli, hine, nyumanya, danaya, sabali, yere mineli.

1 Yuhana 4:20

Ni mögɔ dɔ y'a fɔ ko a be Ala kanu, k'a sɔrɔ a be a balima koniya, galon tigela lon, katuguni a nyaa be a balima min na, ni a ma o kanu, a nyaa te Ala min na, a be se ka o kanu cogo di?

Rōmekaw 4:25

Ale donna kiiri la an ka hakew
kɔɔn, a lakununna an jɔ sɔɔ
kɔɔn.

Marika 16:9

Yesu kununnen kɔɔ, lɔgɔkun
loon fɔlɔ, sɔgɔma daa fe, a ye i
yira Magedala Mariyama la fɔlɔ.
A tun ye jinɛ wolonwula gwen ka
bɔ o de la.

Yuhana 20:26-28

O kɔɔ tile seegin, kalandenw
tun be soo kɔnɔ tun, Toma tun be
u fe. Yesu nana i jɔ u ceman, k'a
sɔɔrɔ soo daw tugulen be. A ko:
Here ka ke aw ye. O kɔɔ, a y'a fɔ

Toma ye, ko: I bolokɔni ke yan ka
ne bolow fle. I bolo monobɔ ka a
don ne kere la. I kana ke danabali
ye, fo danaba. Toma y'a jaabi, ko:
Ne Matigi ni ne ka Ala.

Kewaliw 10:39-41

A ye min bee ke Yahutuw ka
jamana la, ani Zerusalem, an de ye
o seerew ye, u y'a gwengwe yiri la
ka a faga. Ala y'a lakunun a tile
sabanan loon, ka a to a ka i yira
mɔgɔ dɔw la, nga mɔgɔw bee te, fo
seere minw nyanawolomana Ala
fe ka kɔɔ, an kɔni, minw ye du-
muni ke ka minni ke a fe a kunun-
nen kɔɔ ka bɔ suw ceman.

Matiyu 16:21

Kabini o tuma la, Yesu y'a daa
mine ka a yira a ka kalandenw la
ko wajibi lon a ka taa Zerusalem,
ka tooro koo caman na cekorobaw
ni saraka lasebaw kuntigiw ni
sebennikelaw fe, ka faga, ka la-
kunun a tile sabanan loon.

Romekaw 1:4

A kununni ka bo suw ceman, o
y'a yira ko a ye Ala Denke ye se-
nuya Nii taa faan fe.

Yuhana 5:25, 28, 29

Tinye, tinye, ne b'a fo aw ye ko
waati be na, o waati be sisan yere,
mogow salenw na Ala Denke kan
men, a menbaw na nyanamanya.

... Aw kana kabakoya o la, katu-
guni waati be na, kaburu kono
mogow bee na a kan men. U na bo
yen, koo nyuman kelaw na kunun
nyanamanya kama, koo jugu
kelaw na kunun kiiri kama.

Romekaw 6:3-5

Aw ma a lon wa ko an minw bee
batisera Krisita Yesu la, an bat-
isera a saya de la? An suw ni ale
suu donna nyogon fe batiseli fe
saya la, walasa Yesu kununna ka
bo suw ceman a Faa nooro barika
la cogo min na, o cogo la, an fana
ka taama nyanamanya kuraya la.
Ni an ni ale kera kelen ye a saya
bisigi la, an ni ale na ke kelen ye a
kununni fana bisigi la.

2 Korentekaw 7:1

O layidu bē an fē, kanulenw, o de kōson an ka an yerew saniya farisogo nōgōlenya ani dusukun nōgōlenya bē la, ka saniyalı dafa Ala nyaa siran na.

2 Timote 2:21

Nin mōgō min ye a yere saniya ka bō o kow la, o na kē baara nyuman kē minen ye, a bilalen bē Ala ye ka saniya, a labennen bē baara nyuman bē kama, a na bēn a matigi ka baara ma.

Efēzekaw 1:4

A ye an nyanawoloma ale la sanni dien juu ka sigi, walasa an ka kē senumanw ni jalakibaliw ye a nyaa kōrō kanuya la.

1 Piyēre 1:15

Nga aw weleba ka senu cogo min na, aw yerew fana ka kē senu manw ye ten aw cogo bē la.

2 Timote 2:15

I jija ka i yere yira Ala la iko baarakela min ye tōgō nyuman sōrō, ni maloya sababu t'a la, a bē tinyē kuma faranfasi coge sēbe la.

1 Piyēre 1:2

Faa Ala kōnna ka u lōn, u nyanawolomalen bē ka kēnyē ni o lōniya ye, Nii Senu ka saniyalı barika la, walasa u ka Yesu Krisita kan mine, ani a jōli ka seriseri u kan. Neema ni dusu suma ka caya aw ye.

Luka 1:74, 75

A na a to an ka tla an juguw la,
ka baara ke a ye ni siran te, senu-
ya ni tlennenya la, a yere nyaa
koro an shii bee la.

Ezayi 35:8

Siraba na ke yen, o sira na wele
ko sira senuman. Feen nogaolen
tena temen a fe, a na ke u dama
taa ye. A taamabaw tena fili a la,
hali ni hakilintanw lon.

Heburuw 13:12

O de y'a to Yesu fana, walasa a
ka mogow bila Ala ye ka u saniya
ni a yere joli ye, a toorola dugu
koo fe.

2 Piyere 3:11

Ni o fenw bena yeelen ten, aw
kakan ka ke mun sifa mogow ye,
taama senuman ni Ala nyaa siran
na.

Matiyu 3:11

Ne koni be aw batise jii la nimi-
sili koscen, nga min be na ne koo, o
fanga kabon ni ne taa ye, ne man-
kan ni a ka sabara tali ye. O de na
aw batise Nii Senu ani tasuma la.

1 Yuhana 1:9

Ni an b'an jo an ka jurumuw la,
ale ye kantigi ye, a tlennen be, ka
an ka jurumuw yafa an ma, ani
ka an saniya koo jugu bee ma.

Kewaliw 1:8a

Nga aw na sebaya sɔrɔ ni Nii
Senu jiginna ka na aw kan tuma
min na

Kewaliw 4:31

U ye Ala dali minke, u lajennen
bɛ yɔrɔ min na, o yereyelerla, u bɛe
fara Nii Senu la, u ye Ala ka kuma
fɔ ni jaa gwelyea ye.

Kewaliw 13:52

Kalandenw kɔni fara nyagari ni
Nii Senu la.

Luka 11:13

Aw minw ka jugu, ni aw bɛ feen
nyumanw di cogo lɔn aw denw
ma, aw sankolo la Faa təna Nii

Senu di a dalibaw ma ka temen aw
ka di cogo kan kosebe wa?

Romekaw 8:9

Aw kɔni tɛ farisogo taa ye nga
aw ye Nii Senu taa ye, ni a y'a sɔrɔ
Ala Nii sigilen be aw kɔnɔ. Krisita
Nii tɛ min kɔnɔ, o tigi tɛ Krisita
taa ye fewu.

Kewaliw 11:24

Məgɔ nyuman nyuman lon, a falen
bɛ Nii Senu ni danaya la. Məgɔ
caman caman farala Matigi kan.

Ezekiyel 36:27

Ne na ne Nii ke aw kɔnɔ k'a to
aw ka ne ka ton sigilenw taama ka
ne ka koo latigelenw mara ka u ke.

Zaburuw 34:19

Zehofa kasurun mōgō dusu ka-silenw na, a bē mōgō dusu nimisi-batō kisi.

Ezayi 66:2

Ne bolo ye o fenw bēe dlan; o fenw bēe kera ten, Zehofa ye o fō. Nga ne na min fle, o ye fanntan dusu nimisibatō ye, ni a bē yere-yere ne ka kuma nyaa.

1 Piyere 4:12, 13

Kanulenw, kōrōbōli tasumaman min bē aw ceman ka aw kōrōbō, aw kana kabakoya o la, i n'a fō kabako fēen ye aw sōrō. Aye nya-gari, kamasōrō aw ye niyōrō sōrō Krisita ka tōrōw la, walasa a

nōrō fana mana yira tuma min na, aw ninsōdiyalen ka nyagari haali.

Yirali 21:4

A na nyajī bēe cē ka bō u nyaw-la. Saya tena kē tun, nyanasisi fana tena kē tun, wala kasi, wala dimi, katuguni fēen fōlōw temena.

Zaburuw 37:3

I jigi la Zehofa kan ka koo nyuman kē. I sigi jamana la ka balo a ka kantigiya la.

Matiyu 6:33

Aye Ala ka masaya ni a ka tlen-nenya fōlō nyini. Ni o kera, o fenw bēe na fara aw taa kan.

Zaburuw 34:20

Məgə tlennen degun kow kaca,
nga Zehofa b'a tla u bęe la.

Heburuw 2:18

A bęe se ka kərəbəlenw dəmę,
kamasɔrɔ a yere tɔɔrɔla kərəbəli
fę.

Ezayi 43:2

Ni i bęe jiw cętige tuma min na,
ne na ke i fę yen. Ni i bęe baw cętige
tuma min na, u tena i tunu.
Ni i bęe taama tasuma cəman tuma
min na, a tena i jęeni, tasuma tena
i mine.

1 Kərentekaw 10:13

Kərəbəli si ma aw sɔrɔ ni o te
məgə kərəbəli ye. Ala ye kantigi
ye, a tena sɔn aw kərəbəli ka

temen aw barika dan yɔrɔ kan,
nga kərəbəli mana ke, Ala na bɔ
yɔrɔ yira, walasa aw ka se ka o
kərəbəli munyu.

Rəmekaw 16:20

Həretigi Ala na Sitane conkon
aw seen kɔrɔ sɔni.

Rəmekaw 8:28

An y'a lən fana ko feen bęe bęe
baara ke nyɔgɔn fę ka koo nyu
man ke Ala kanubaw ye, olu ye a
ka welelenw ye ka kenyę ni a ka
koo latigęlen ye.

2 Kərentekaw 4:17

An ka waatinin tɔɔrɔ finyeman
bęe nɔɔrɔba ke an ye, a dama lənbali.

Yirali 21:7

Min ye see sɔrɔ, o na kε nin kow
ceen tala ye. Ne na kε a ka Ala ye,
a na kε ne deen ye.

Yirali 3:21

Min mana see sɔrɔ, ne n'a di o
ma a ka i sigi ne fε ne ka masasigil-
lan kan, iko ne fana ye see sɔrɔ, ka
ne sigi ne Faa fε a ka masasigilan
kan cogo min na.

Yirali 3:12

Min mana see sɔrɔ, ne na o kε
samasesen ye ne ka Ala bato soba
kɔnɔ, a tεna bɔ kεnema tun. Ne
na ne ka Ala tɔgɔ sεben a kan, ani
ne ka Ala ka dugu, Zerusalem

kura tɔgɔ, o bε jigin ka bɔ sankolo
la, ne ka Ala yɔrɔ, ani ne tɔgɔ
kura.

Yirali 3:5

Min mana see sɔrɔ, fini gwe-
manw na don o kaan na. Ne tεna
o tɔgɔ jɔsi ka bɔ nyanamanya ki-
tabu la. Ne na a tɔgɔ fɔ fana ne
Faa nyaa kɔrɔ ani a ka mεlεkεw
nyaa kɔrɔ.

Yirali 2:7

Nii Senu bε min fɔ eglisiw ye,
tulo bε min fε, o ka o lamεn. Min
mana see sɔrɔ, nyanamanya yiri
min bε Ala ka alijεnε la, ne na o
deen dɔ di o ma, a k'a dun.

Rōmekaw 7:2, 3

Muso min furula, o sirilen be a cee la ton fe ka a cee nyanaman to, nga ni a cee sara, a hōrōnyara a cee ka ton ma. O de y'a to, ka a cee nyanaman to, ni a kera cee were muso ye, a na wele jatōmuso, nga ni a cee sara, a hōrōnyara o ton ma. O tuma la, ni a kera dōwe-re muso ye, a te jatōmuso ye.

1 Kōrentekaw 7:10, 11, 39

Minw furulen be kōni, ne be nin gweləya u ma, ne m'a fō de, Matigi de y'a fō, ko: Muso kana fara a cee la. Ni a farala a la, a furubali ka to, wala a ka segin a cee ma. Cee fana kana a muso bila . . . Ka

muso cee nyanaman to, a sirilen be a cee la o tuma bee la. Ni a cee sara, a hōrōnyara. Cee min kadi a ye, a be se ka furu o ma, nga o furu ka ke Matigi la dama.

Luka 16:18

Mōgō o mōgō ye a muso furu sa ka dōwere furu, o be jatōya ke. Min ye walimuso furu salen furu, o be jatōya ke.

Matiyu 5:32

Ne kōni b'a fō aw ye ko mōgō o mōgō ye a muso furu sa ni jatōya sababu te, o be o muso bila jatōya la. Min ye muso furu salen furu, o be jatōya ke.

Yakuba 5:8

Aw fana ka munyuli ke ka aw dusukunw sabati, katuguni Matigi nali surunyara.

Yuhana 14:3

Ni ne taara yoro dlan aw ye, ne be na kokura ka aw ta ne fe, wala-sa ne be yoro min na, aw fana ka ke yen.

Matiyu 24:27

Saan yegeyegé be bo körön fe ka ye fo tilebi faan fe cogo min na, Məgə Denke na cogo na ke ten de.

Matiyu 24:30

O tuma la, Məgə Denke ka taa-mashyen na ye sankolo la. O tuma la fana, dugukolo kan siyaw bəna kasi kanba bo, u na Məgə Denke

nato ye sankabaw kan ni sebaya ni nɔɔrɔba ye.

Yirali 3:11

Ne be na səni. Min be i bolo, o mine kosebe, walasa məgə si kana i ka masa fugulan ta.

Matiyu 25:31

Məgə Denke mana na ni a nɔɔrɔ ye, a ni a ka melekew bee nyögən fe, a na sigi a ka nɔɔrɔ masasigilan kan.

Marika 8:38

Nin min maloyara ne ni ne ka kuma ma nin məwolo jaatɔ juru-mu kəlaw cəman, Məgə Denke na maloya o tigi ma, ni a nana a Faa nɔɔrɔ la tuma min na, a ni a ka meleke senumanw nyögən fe.

Luka 21:27

O tuma la u na Mɔgɔ Denke nato ye sankaba kan ni sebaya ni nɔɔrɔba ye.

1 Yuhana 3:2

Kanulenw, sisān an ye Ala denw de ye, an na kε min ye, o ma yira fɔlɔ. An y'a lɔn ko ale mana i yira, an na kε a bɔnyɔgɔn kow de ye, katuguni ale bε cogo min na, an na a ye ten.

Yirali 16:15

A fle, ne bε na iko soon. Min bε to a nyaa na ka a ka finiw mara,

walasa a fari lakolon kana taama, mɔgɔw kana a maloya ye, o ye du-baden ye.

Kewaliw 1:11

Olu ko: Galilekaw, mun na aw jolen bε yan ka sankolo fle? Nin Yesu min kɔrɔtara ka bɔ aw cεman ka taa sankolo kɔnɔ, ale yere bε na ten dε, iko aw y'a tato ye sankolo kɔnɔ cogo min na.

Matiyu 16:27

Mɔgɔ Denke bε na a Faa nɔɔrɔla, a ni a ka melekew nyɔgɔn fe. O tuma la, a na mɔgɔw bεe sara ka kenyε ni u ka kewaliw ye.

Ala Ka Kuma

2 Piyere 1:21

Katuguni kiraya kuma ma na mōgō sago la abada, nga Ala ye min di mōgōw ma, u kumana ka o fō Nii Senu barika la.

Zaburuw 119:11

Ne ye i ka kuma mara ne dusukun na, walasa ne kana na i hakēta.

Matiyu 22:29

Yesu ye u jaabi, ko: Aw fililen bē, katuguni aw ma Kitabuw kōrō lōn, aw ma Ala ka sebaya fana lōn.

Zaburuw 119:105

I ka kuma ye fitinē ye ne seen ye, a bē yeelen bō ne ka sira la.

Luka 21:33

Sankolo ni dugukolo na temen nga ne ka kuma tēna temen.

Kitabu kuma bēe kera a sēben-nikēlaw kōnō Ala dafinyē fē. Nafa b'a la kalanni ni kōrōfōli ni latlenni kama, ani kololi tlen-nya la. —2 Timote 3:16

Duterōnōme 4:2

Ne bē kuma min fō aw ye, aw kana dō fara o kan, aw kana dō bō a la, walasa ne bē Zehofa aw ka Ala ka cii minw fō aw ye, aw ka olu mara.

Zaburuw 119:89

O Zehofa, i ka kuma sabatilen bē sankolo kōnō fo abada.

Dieu pourvoit au coût de ces livrets grâce à des contributions, ce qui permet d'en envoyer des quantités limitées gratuites à tous ceux qui nous en demandent.

**Pour des questions ou de plus amples informations par pays,
veuillez consulter: wmp-contacts.org**

World Missionary Press, Inc. PO
Box 120
New Paris, IN 46553-0120 USA
www.wmpress.org

